

IMOYO WAMUNTU



COPYRIGHT
ISBN 0 - 908412 - 49 - 5

E-MAIL: info@angp.co.za
ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1961/001798/08)

NI Ntempele ya-Jehova ambweni ninsaka
yaSaatani.

1 Johane 3:4-10.

Kubabali:

Aka kabbuku takali kypy. Ilutaanzi kaka lembwa muciFrance eno kwainda myaaka 200 kalilembedwe mucisi eco. Kaka leta zilongezyo zipati amumuni kumuuya minjiminji. Kali mbuuli cimbonimboni camuuya omo baalumi abakaintu mobakonzya kubona ziimo zyamyuuya yabo mbuli Leza mbwailanga. Banji bakiibona myoyo yabo izwide zibi, eelyo mpoonya awo bakasanduka akutambula myoyo mipya amuuya mupya mulinjiyo.

Nobala bbuku eli, koyeeya kuti ncimboni-mboni camoyo ncobala omo mokonzya kulibona omwini. Nokuba kuti na uli muhedeni, mu-Kristo, naba wakapilukila munsi, wacijana cikozyano camoyo wako mbubonya mbuli Leza mbwaubona. Leza talangi ciwa camuntu. Ulanga mumoyo wamuntu butali busyu nuuba mubala wacikanda.

Saatani ngowisi waboomse babeja ngomwami wamudima ngoleza wanyika eyi. Ulisandula kuba mbuli mungelo wamumuni pele tacili mungelo wamumuni mbuli mbobamukozyanya banji akuli fumpula kucikozyano eco Saatani ncayubununwa muciimo cakwe loko. Mbubuli mumazuba aciindi, asunu mpobali basiiciya bakubeja banji, ababelesi basilucengo, abalisandula kuba ba-Apositolo baKristo. Eci taciyooysi nkaambo awalo Saatani ulisandula kuba mbuli mangelo wamumuni. (2 Ba-Kori. 11:13,14). Saatani uwofwaazy a meso abantu amiyeeyo yoonse, mbube inga tabaciluboni luyando Iwa-Leza, abulemu abwarnl bwa-Leza, tabakonzya akubona munununi wabo Jesu Kristo. (2 Ba-Kor. 4:4). Abantu bakoofwaazigwa a leza wanyika eyi tabakonzya kubona kuti bayabukunkulikila kukunyonyoonwa kutagoli, mugehena litagoli muyaka mulilo salufa. Balifwide muli-Leza balelwa a leza wenyika eyi. (Ba-Efesu 2:2).

Nkakaambo kaako ncakayubunwidwa mwana wa-Leza, ikuti akalobye milimo yamubi. (1 Johane 3:8). Eno amulibombye kulio Leza. Amumukake Saatani, uyomutija. Amuswenenene kuli-Leza, elyo alakwe ulamuswenenena. (Jakobo 4:7,8).

Nobala bbuku eli akulanga zikozyano, ulakonzya kulanga mumoyo wako. Uzumizye moyo wako-kuti ufwemfwetwe akubona ciimo cawo. Na wajana kuti imoyo wako tuuluzi ujisi zibi, utuutami nokuba kuusisa, pele zumina akulisyimuna zibizyako. Na twaamba kuti tatujisi zibi, twalyeena Iwesu tobeni, elyo lusyomo taluli mulindiswe. Kuti twalyaamba zibi zyesu, walo ulasyomeka akululama, ulatulekelela zibi zyesu akutusalaziza zitaluleme zyoonse, Na twaamba kuti tatukwe netwakabisya, twamucta mubeji, ijwi lyakwe talili mulindiswe. (1 Johane 1 :8-10). Amulibombye kensi ajanza lya-Leza singuzu ikuti akamujatile zibi zyanu akumusalazyu abulowa buyandika bwa-Jesu Kristo.

Ambweni uonekwa a-Leza naba Saatani. Sena uli mutwanga wa- Leza na uli muzike wa cibi? Na icibi ncecooneka buumi bwako, utakazyi. Uyelede buyo kulilila kuli-Leza, oyo unga ulakwaangununa muli-Jesu Kristo oyo wakali munyika ino ukuzoofutula basizibi, ukuzoolamuna meso aboofu, ukuzootugwisya mumudima akugwisya mudima mulindiswe. Wakazida kuzootunjizya mumuni uyoosya. Jesu wakazida kutwaangulula kuzwa munguzu nyacibi a-

Saatani. MuUnguwe motujana Lununuko kuzibi zyesu. Uimvwi kumbele lya- Leza usweya oyo ubona akuziba zyoonse izisisidwe amilimo itabonwa amiyeeyo yoonse. Tokonzyi kulllsa nokuba kusisa milimo yako kuli Leza. Oyo wakalenga kutwi sena takooyoonywa? Oyo wakaburnba lisyo sena takooyoobona? (Intemb. 94:9). Nkaambo meso aakwe alatala anzila zyamuntu, mbube ulakubona kweenda kwako koonse. Kwiina mudima nociba cimvule calufu oko nkobanga balayuba basimafunze. (Jobe 34:21 ,22). Nkaambo meso a-Jehova aleendeenda koonse koonse m unyika, akuli tondezya cuti ulaanguzu akulwanina baabo baleemyoyo iluleme kulinguwe. (2 Chro. 16:9; Johane 2:24).

Ulilongezegwe oyo. ulaamilandu yakajatilwa, icibi cakwe cakavumbwa. Ulilongezegwe muntu oyo Leza ngwatalembeli cibi cakwe, ujisi muuya utakwe bubi. (Int. 32:1-5). (Alimwi bala Int. 51). Jesu uciita asunu: "Amuboole kulindime nyoonse nomukatede nomu lemenedwe, ndime enti kamulemunune." (Mat. 11 :28-30).

1. ICIKOZYANO CITANZI



Eeci cikozyano ciyezya moyo wamuntu sizibi muhedeni, wanyika ino utana kuzyalululwa,

mulombwana naba mukaintu, oyo uwonekwa amuuya wanyika akuyanda akubula kwanyama. Eci ncimboni-mboni cakasimpe mbubonya Leza mbwaulanga moyo oyo. Ameso aakwe, asalala ayeezya kuti ngucakolwa. Bala Majwi-Tusimpi 23:29-32. Nguni ujisi kuusa? Nguni usalazya meso? Mbabaabo bata fwambaani kuzwa ali waine, abo bayandaula waini wakawwelenganyizigwa. Utalangi kusalala kwawaini, amubala oyo nguutondezya watilwa munkomekl, katana talika kubila. Kumaulu ula luma mbuuli mulala, ukwamuna mbuli cipile. Ameso ako alanga bakaintu beenzu, amulaka · wako uwaamba majwi ataluleme.

Kuzwa kumutwe walanga aansi ulajana imoyo warnuntu uzywide banyama bamikowa yoonse, baamba mbuli kuvula kwazibi izyaandeene izili mumoyo wamuntu. Imoyo njenganda yazibi zyesu. Leza uwaamba kuti: imoyo ulaalucenqo kwiinda zintu zyoonse alimwi ulisofwede, ino nguni utuuze? (Jer. 17:9). Jesu mwini lwakwe wakati: Nkaambo mukati, nkokuti kuzwa mumoyo wamuntu, mulazwa miyeyo mibi, bwaamu, bubbi, bujayi, bumambi, kulikumbuzya, zibi, luuni, zisusi zlbl, ibbivwe, kutukila, kulikankaizya, abafubafuba. Zibi eezi zyoonse

zizwa mukati nzenzizyo izibisya muntu. (Mark 7:21-23).



1. Akayunl kategwa PIKOKO - Akanyama (cilenge) citanzi nkayuni kaitwa kuti mucikuwa-Pikoko. Aka kayuni nkabotu kwiinda bayuni boonse, kajisi mabala mabotu akankamansiya amapepe ako, eelyo kaamba cibi cakulisumpula. Lusifa, uwakali mungelo mupati, uwakali kuyumuna mumuni wa-Leza, wakawa akaambo kakulisumpula akuba sinkondonyina Leza, ngo-Saatani. (Isa. 14:9-17; Ezek. 28:12-17).

Kuli kulalitondezya munzila zinji. Bamwi balalisumpula akaambo kabuvubi bwabo, alubono lwabo lwang'ombe, imbelele, amaanda amyuunda, azisani zyabo zidula, amasyu abo mabotu, amibili yabo eyo kanji-kanji njobabelesya munzila iusisyia. Bamwi balisumpwida mukowa wacisi cabo, noluba Iwiiyo lwabo, anguzu zyanyama azintu nzobakonzya

kucita izyamunyika, nuuba mubala walukanda lwabo azintu zimwi izinji izitagwasya. Bamwi basoleka kulibosya akusama ninga, bulumbu (mankwita-nkwita), isimbo kumasyu aamibili yabo, kali walo Leza wakalibosya kale. Leza ulabakazyu balisumpula, pele wakalibosya kale. Leza ulabakazyu balisumpula, pele batete myoyo ulabapa luzyalo. (1 Pet. 5:5). Ukulisumpula akami-kami Leza ulizlsuleiklde. (Tusimpi 8 : 13). Ukulisumpula nkokusaanguna kuloba elyo umuuya wakulilumbaizya ulafwamba kuwa. (Tusimpi 16:18).



2. IMUBWA - Imubwa waamba zisusi zibi zyanyama ubusofwi, amamambi abwaamu. Kufumbwa nkwaaya mubwa ulalisampula mwini. Mbobabede abantu banji obo. Kufumbwa nkobaya balafwamba kuya bulya nkwela akutalika kuyanzanya bantu abo abamukumo wandeeni kulimbabo. Bwaamu amamambi zyaindila mumazuba aya mabi amamanino.

Abantu banya tabacikonzya kulijata boonse abakwatene baalumi abakaintu, abamukabafu banji boonse bagamine mamambi. Icibi ca-Sodoma acalo catola buumi bwazyuulu-zyuulu mbuuli bwaamba majwi a-Jesu, elyo na kasinsima kuti mazuba masyaalizi ayooba mbuli mazuba aSodoma a-Gomorrah. Aba-Zulu aba Sutu inga tulaamba kuti aba-Tonga elyo amisyobo imwi baita muntu mwaamu kuti "Mubwa". Abantu

bali booboo tabakooyoofuwa bwami bwa-Leza nkaambo aanze mpobabede babwa, abalozi abasibwaamu, abajayi abakomba mituni aboonse bayanda kubeja akucita bubeji. Nkaako Amubutlje bwaamu. Icibi coonse eco ncacita muntu cilaanze amubili, pele oyo ucita bwaamu ubisizya mubili wakwe mwini. Mbuti? Sa tamuzi kuti ndinywe inganda yantempele ya-Leza? Lino akuli muntu uunyonyoona intempele ya-Leza (nkokuti mubili wakwe oyo muntu), oyo muntu Leza ulamunyonyoona alakwe, nkaambo intempele ya-Leza ilasalala, njiyonya ndendinywe. (1 Ba-Kor. 3:16-18; 16:15-20).



3. INGULUBE . Ingulube itondezya cibi cakukolwa a buvungungu (indya). Ingulube ilya buyo kufumbwa nceyaswaangana. Tiisali cibi acibotu, mbubuli bantu banji balya buyo abanyama balifwida, abafwa azilwazi abasinwa buyo. Balya kamede, imbeba abasikoswe azimwi, ezyo Leza nzyaakati tatweelede kuzilya. (I ncito : 15:20; Isaya 66:1-17). Alimwi banyonyoona mibili yabo, intempele ya-Leza nobanyeela, akufwinkila, nokuba kufweba tombwe mubi noluba "Lubanle", izinyonyoona akubisyia bulowa bwabo aku basolwedela mukucita ziya zyazibi. Saatani ulibaangide akuba amiyeeyo yakuyanda kufweba, elyo pele buyo munguzu zya-Leza mobanga balombwama abakaintu balaangununwa ikuzwa kuciimo eci cibi icitola ansi. Mutabisyi mibili yenu kuli tombwe alubanje. Kwiina cakolwa uyoanjila mubwami bwa-Leza. Ibukoko tacili cilyo, ncintu cakunywa icijaya akunyonyonganya miyeeyo akwiibisyia,

mbube abo babunywa bacita zyabufuba-fuba, akubisya ndiza kujaya ezyo nzobanga tabakoozicita kuti na-tabanywine. Nkaambo waini ulacenga, bukoko bukali bulanyonyoona: oonse ucengwa kulinzizyo tali musongo. (Amajwi Tusimpi 20:1). Mumulawo wao Musa, na muntu umwi ujisi mwana sicinguwi uunga ngucakolwa, inga wafuswa mabwe mane akafwe. (Deut. 21 : 19-21 I, Abalo bacita bukoko balaamulandu kuli-Leza mbubuli baabo ababuuzya abanywa, nkaambo ijwi lya-Leza lyaamba kuti: Mawi kuli baabo bakondola bukoko bukali. (Isaya 5:22). Mawe kuli oyo uusomba sibukokonyina bukoko, yebo omutambika kapali (kalewu) kako akumucita kuti akolwe. (Hab. 2:15). "Mutalyeeni pe, nibaba basibwaamu, nibaba basikukomba mituni, nibaba basimamambi, nibaba batete kuzibi, nibaba baalumi boona baaluminyina, nibaba babbi, nibaba basikulikumbuzya, nibaba bakolwl, nibaba basimatusi, nibaba basilunyansyo tabakoyookona Bwami bwa-Leza." (1 Ba-Kor. 6:9-10).

"Lino milimo yanyama ilibwenekede, njeeyi:- bwaamu, busofwaazi, zisusi zibi, kukomba mituni, bulozi, inkondo, bulwani, lukazyanyo, inyemo, insulano, rnipampo-rnlpampo;

impilingano, ibbivwe, inkolwi, lmlyaluluko (injalalando), azimwi zili booboo. Abo bacita zintu zili booboo tabakooyookona Bwami bwa-Leza" - (Ba-Gal. 5:19-21). Mutakolwi bukoko buleta budakwi, pele amuzule Muuya (Ba-Efesu 5:18). Kuli baabo bafwide nyota, Jesu imukalo wabuumi uwaamba kuti nabatambe:- Kwanooli muntu ufwala nyota, aze kulindime anywe. Oyo usyoma ndime mwida lyakwe muyookunka milonga yamaanzi maumi. (Johane 7:37,38). "Ma, oonse ufwide nyota, kamunya kumaanzi, abatajisi mali, kamuboola, arnuule, mulye: iyi, kamuboola, muzooule waini amukupa izitaulwa amali . tazikwe amuulo. Nkaambonzi ncomusowa mali kuli ceeco citaligwi, akubelekela citakusyi?" (Isaya 55: 1 ,2).



4. NKOMA - Oyu muuka utafwambi kweenda waamba cibi cabutolo, akumuka alirnwl abulozi. Ukutasyoma cili · mbuli cibi cabulozi. Mutolo usikilwa masukusyo manjimanji aandeene. Bavula

kubba kwiinda kuti babeleke, eci civula kuleta kujaya. Ibutolo bwakumuuya utukasya kukomba, akubala Baibele akuya kucikombelo. Butusinkila kuyandaula Ijwi Lya-Leza muli buumi butamani. Bulenga ngomubbi waciindi butola kukuloba. Na Leza waamba kuti ulipede kulinguwe sunu, mbube awalo Saatani ula fwambaana kuzookwaambila kuti uzoolipeda kabotu lindila junza nociba cimwi iciindi, pele, ma! eco tacikasiki. Ulati mbuzuba bomwe buyo, limwi kwaakumana mwaaka limwi mane kuyoosika lufu kotana akulibambilila mbube uyoofwa kotali kuli-Leza, kotajisi alufutuko naba Kristo. Nkaako Leza ulati:- Kuti mwalimvwa ijwi lyakwe sunu, buno buzuba, mutano yunyi myoyo yanu. (Ba-Hebrayo 3:7,8).

Icipapa cankoma kanji-kanji cilabelesegwa abasondi, aboobo caamba cibi cakusyoma akucita zyabusondi abulozi mubusena bwakusyoma muli-Leza uponia. Mubusena bwakoompolola kulio Leza uponia muciindi cakuciswa amumapenzi bantu babikka lusyomo kumituni, imiyanda, amabwe, ensengo azintu zimwi izifwide ezyo izibaambila basondi, iciindi ncebeelede kusyoma Chilenga wabo u-Munununi. Leza wakaarnblla bana ba-Israeli kuti:

Utakazumizyi musondi kuti akapone (Ex. 22:18). Kutakajanwa basonzi kulindinywe nobaba basikulanga ziindi, nobaba basimimfunko, nobaba balozi abasinsengo, abamucapi, abazyani na bantu amilyango abasituncinya. Nkaambo boonse bacita zintu ezi balasesemya ku-Mwami. (Deut. 18:10-12). Mutana basyomi abanjidwe myuuya mibi, abaabo ababuzyabuzya kuli basimaleele, akuyobisigwa nkuko, ndime Jehova Leza wako. (Lev. 19:31.). Oyo muuya ulanga kulibasimalele, akuya bulisofwaazya kulimbabo ndiyoobafutatila akubakosola kubantu babo. Amulisalazye nobeni muswene, nkaambo ndime Jehove Leza wanu. (Ba-Levi 20:6,7). Jesu Kristo alike ngomuponyi wamuuya, ibuumi amubili, nguujatila kuleya kwesu koonse akuponya malwazi esu toonse. (Lwiimbo 103:1-3). 11Sa kuli mulwazi akati kanu? Oyo aite baalu bambungano (batali basing'anga, abasilisi pe) kuti bamukombele, bamunanike mafuta muzina Iya-Mwami. Kukomba kwalusyomo kulamuponya mulwazi oyo, i-Mwami ulamibusya, nkabela kufumbwa zibi nzyaakacita zilajatilwa. Amulyaambe zibi zyanu umwi aumwi kumweenzinyina, alimwi amukombelane, kuti mukapone." (Jakobe 5:14-16).

Nocibala kabbuku aka Leza · ulaarnba kulinduwe, ukwaambila kuti usanduke uzumine zibi zyako, akutula buumi bwako kuii-Leza, pele imuuya wafulwe, uuli mumoyo wako, ulavwiya-vwiya kulinduwe: utabindi, utazumini sunu, inga uzoocita ijunza, niiba nsondo iizya, nokuba mwakali uzoosanduka, kusaanguna kabuzye mulumi wako, buzya na mukaintu nabauso kuti na batinzi, saansi ukWate notisanduke nokuba kwaamba kuti usaangune upalule bana bako. Abusena bwakuswiilila ijwi lya-Leza, twagama kuswiilila zyaarn ba Saatani. Mukucita booboo, twayumya myoyo yesu mane limwi yaba mbuli cipapa cankoma.



5. SILUWE · Oyu munyama uyoosya uysandisya kulya bulowa. Uwaamba bukali, akafwisu, aluciso, azimwi izili mumoyo wamuntu. Oonse ufwamba kunyema, ufwamba kucita zyalutuzi, ikutukana akoombwezya alimwi akujaya bantu. Kanji kanji muntu nanywa bukoko inga ubaanga

unywa muuya wabujayi ulya inga tacikonzyi akulijata mwini. Bunji bwabakandu banywida kuti bajane caamba cakucita cimwi icintu cibi nokuba kubweedezya cakabacitila umwi. Mutabi wabo bukali bwabamulala, abuyoka bwabacipile bwaluciso. (Deut. 32:33). Ukubweedezya nkubotu kumoyo wacibi, pele Leza nguutubweedezezya. Jesu wakati: Amuyande basinkondonyoko. Leza wakasyomezya kuyootujatila zibi zyesu kuti twabajatila abatubisizya.



6. INZOKA · Eci ncecakali cilenge . iciinda kubota cakacenga Adamu a-Eva mumuunda wa-Eden, akunyonyoona luswaano lwabo akumvwana a-Leza. Saatani wakabeebbivwe naakabona Leza mbuli mbwaakali kuyanda mulombwana mutaanzi amukaintu, ambwaaka babika kuba baleli banyika yoonse . mibusena bwakubika Lusifa oyo Saatani. Akaambo kabbivwe (munyono) Saatani wakayeeya nzila yakujaya

Iuswaangano Iwamuntu a-Leza uluyoosya eelyo wakazunda. Ndilyonya bbinwe eli ilijaya lili mulinduwe mumoyo wako amubuumi mbube likasya kubotelwa kwako, iciindi bamwi nobabotelwa akukala kabotu. Boonse abana-Kristo babelesi beelede kulangisya kuliyooyu muuya wabunasaatani wabbivwe, kuti na twabona kuti Leza wabelesya akulongezya umwi kwiinda nduwe. Ibbivwe libikka miyeeyo minji yabubi mumoyo wako akulowa bamwi, akunyonyoona kubotelwa kwabo akujaya baya mbonyonokela. Ibbivwe akati kamwaalumi amukaintu inga kulajaya ng'anda abuumi boonse. Ibbivwe ndibi mbuli cuumbwe. (Lwiimbo Iwa-Sol. 8:6).



7. KABOMBWE - Kabombwe ulya vu awa waamba cibi candya akuyandisya mali abuvubi, icili ngomuyanda wazibi zyoonse. (1 Tim. 6:10). Bamwi bakabombwe mucisi ca-Congo bakabonwa

kabalya lumoma mane limwi bakaanduka. Imungelo sindya tayandi kwaaba akupa bafubafuba ababula. Ulasoleka munzila zyoonse; izyakusyomeka azitasyomeki ikubungika akujana buvubi bwanyika, nokuboobo mapempya alazilya ababbi · balabba. Nkaako Jesu utwaambila kuti atuyoobwede lubono Iwesu kujulu, nkwaatabisyi amapempe, ankalaya, ababbi nkobatataluli kuti babbe. "Nkaambo lubono Iwako nkulubede, nkukonya oko nkuubede moyo wako." (Mat. 6: 19-21). Akani abanganda yakwe boonse bakaloba akaambo kaku yanda ngolida ansiliva amasila aadula mbube wakasala ceeco cintu citonda. (Joshua 7). Judas Iskariote, siciiya wa-Jesu, wakaloba nkaambo wakayandisya · mali kwiinda Jesu. (Mat. 27:3-5).



8. SAATANI - Oyu ngowisyi wababeji boonse abaabo abayanda kubeja. Ngomweembezi wabanyama aba boonse ngomooneki wamoyo. Jesu wakati: "Nywebo muzwa kuli uso Saatani,

muyanda kucita ziyanda uso. Walo wali mujayi kuzwa kumatalikilo, alimwi takede mubwini, nkaambo tabuko bwini mulinguwe. Naamba cakubeja waamba zyakwe mwini, nkaambo nguubeja, ngowisi wababeji." (Johane 8:44).



9. INYENYEZI - Inyenyezi iamba manjezeezya ali mumoyo wamuntu. Mumoyo wamuntu umwl-aumwl muli manjezya, ukumuyeezya zibi zyakwe; na twayumya myoyo yesu tujaya manjezya esu aali mulindiswe. (1 Timoteo 4:2).



10. LISO - Jehova ulabona aakati kamyoyo-yesu, ulizi zisisidwe, ezyo nzotusisa: kwiina icisisidwe kumbele lya-Jehova.



11. IMUNGELO - Imungelo Imungelo uiminina jwi lya-Leza. Leza ulaamba kuli sizibi umwaambila kuti asanduke akulekela mumuni wa-Leza kuti unjile mumoyo wakwe uusiya. Leza ulaamba akulinduwe omweenzuma uubala kabbuku aka mulinkako.




12. INZIBA - lamba muuya uusalala uucita kuti mubi abone kuti muli cibi mumoyo. Mucikozzano eci icamoyo lmuuya ulaanze akaambo kakuti tuukkall muli cibi.



13. IMILAKA MINIINI - Eeyi iizingulukide moyo wasizibi iamba luyando Iwa-Leza, nkaambo Leza tayandi lufu lwamubisyi uyanda kuti asanduke akupona. Jesu wakazida kuzoofutula babisyi. Kuli kukondwa kupati kujulu asanduka muntu omwe. Leza uyanda kusalazyia moyo wamuntu abulowa bwamwana wakwe wakazyalwa alike, Jesu Kristo ngu-tuyeezya otu tulaka-laka utuzingulukide moyo wamuntu.

Jesu uliimvwi amulyango wamoyo wamuntu ulakonkomona. Kutu wamujulila, ulanjila akusalazyia moyo wako aku waangulula.

2. ICIKOZYANO · CABILI



2

Eeci cikozyano citondezya muntu natalika kusanduka akuyandaula Leza. Imungeio ujisi ceba, elyo ndejwi lya-Leza ilijisi buumi,

lilaanguzu, lilabosya kwiinda ceba ilijisi mabemba obile, lilayasa mane kukwaanzaanya buumi amuuya, aalo maswaanganino azifuwa amoona, alimwi lilabeteka kuyeeya akuyanda kwamoyo. (Ba-Heb. 4:12). Nkaambo cakuhola cazibi ndufu, akuti bantu kabanga kabafwa lweendo lomwe, elyo babetekwe. (Ba-Rom. 6:23; ba-Heb. 9:27). Icaabilo casizibi cili muziba liyaka mulilo wasulphur.

Mujanza limwi imungelo ujisi kapapa kaboongo. Eeci cituyeezya kuti toonse tuyooftwa. Mubili wesu oyo ngotuyandisya, ngotusowela ciindi cipati ikuusamika akuusanina, akucita zintu zinji akulamya zisusi ezintu zimwi nzuuyanda, kuti oyu mubili uyoofwa akubola.

Imvunyu ziyoouulya, elyo imuuya abuumi bwesu noziyooima kumbele abbetekelo Iya-Leza. Elyo mubisyi akatalike kuswiilila kulaya kwa majwi a-Leza akutalika kujula moyo wakwe kuluyando Iwa-Leza. Imuuya uu-Salala ulatalika akumumika mumoyo wakwe uusiya. Imumuni wa-Leza ulanjila akutalika kutanda mudima uuli mumo. Koonse ikusika mumuni, inga mudima wasungilizigwa kuzwa. Luyando Iwa-Leza lukasaala inga lwatalika kukasaazya moyo uutontola. Eco icibi

icili mbuuli banyama bali mucikozyano, inga ca Zwe.

Omubisyi, zumizya Jesu umumuni wa-luundu ikuti anjile mumoyo wako mbube mudima ezintu zyawo inga zilazwa mbubuli mbozibona mucikozyano. Jesu wakati: IINDime mumuni wenyika, uundicilila takooyooenda mumudima." (Johane 8:12). Maawe kuli baabo abayanda mudima kwiinda mumuni. Jesu naakanjila muntempele ku-Jerusalemu wakabatanda boonse abakali kuuzya basune, Irnbelele ankwilimba akusowaila mali abasikusintana akubaambila kuti: "Ing'anda yangu ninganda yakukombela, pele nywebo mwaicita kuti ibe inqanda yamakwebo." (Joh. 2:13-17). Inganda moyo wako. Jesu takazidide buyo kuzo-otujatila zibi zyesu, pele alimwi wakazida kuzootwangulula kuzwa kunguzu akoonekwa kwacibi. Ikuti mwana (Jesu) warnunununa mulaba banunukide ncobeni. (Johane 8:36).

3. ICIKOZYANO CATATU



3

Awa tubona moyo wamuntu uwakasanduka
kasimpe. Ulalirnvwa akubona bubi bwakwe
bupati azibi izinji ezyo Jesu nzyaakafwida

aciingano. Naabona ciingano icijisi mungelo, uyeeya luyando Iwa-Jehova, ulwakaletwa a-Jesu Kristo imwana wambelele wa-Jehova uutola zibi zyanyika. Akaambo kazibi zyesu inkasaalo yakwe yakasanduka kuba bulowa, iciindi naakali kukomba kuli-Leza. Wakaumwa akuciswa akukankaminwa, bakamu gagaila azipikili mumaanza akwe akumaulu, eeci ciyoosya mayo wamuntu wasanduka. Naabala majwi a-Leza, inga wabubona bubi bwakwe akuziba kuti imoyo wakwe usiya buti akuti uzywide zibi. Eeci ciyasa moyo wakwe elyo umuuya wakwe mutete uuside ula mucita kuti aljlile zibi zyakwe eelyo Leza inga ula swena kulinguwe. Uluyando aluumuno Iwa-Leza inga Iwanjila mumoyo wakwe uwakasamba abulowa bwa-Jesu Kristo. Inga. watalika akuziba kuti i-Mwami ulaafwaafwi kulibaabo bajisi myoyo ikompeme akufutula bamyuuya mitete. (Intern 34:18). Ulabaponya batyokede kumyoyo akwaanga zicisa zyabo. (Int. 147:3). Alimwi ijwi lya-Mwami lyaamba kuti: Ndiyoolanga muntu ujisi muuya mutete amupenzi uzyangama kujwi lyangu. (Isa. 66:2).

L-Muuya uu-Salala aluyando Iwa-Leza inga zyanjila mumoyo usalala. Nacila nga kuciingano

alusyorno, abulowa bwa-Jesu mwana wa-Leza inga bwamusanzya kuzwa kuzibi zyoonse. (1 Johane 1 :7). Oyo uusyoma muli-Jesu takalobi pele ujisi buumi butamani. (Bala 2 Ba-Kor. 6: 10, 11). Muli-Jesu tujisi lwaangunuko mubulowa bwakwe, akujatilwa kwazibi, mbuuli kubuvubi bwao luzyalo lwakwe (ba-Efesu 1 :7). Eno kuli muuya mupya mukati kamoyo wakwe, elyo kuzwa waawo taciiyandi nyika azintu zyayo pele uyanda zintu zya-Leza, oyo wa-kazuzya moyo wakwe aluyando lwakwe. Abanyama bali mumoyo, nkokuti izibi zyakwe, eno bakkala -aanze lyamoyo wakwe, nokuba kuti walo Saatani tayandi kuti azwe nguulya ucicebukide nkwaazwa, ulanga kuti abone na inga ulajana manjililo alimwi. Aboobo twaambilwa kuti tukombe akulindila, akukaka, mubi kuti atutije.

4. ICIKOZYANO CANE



4

Eeci cikozyano caamba mu-Kristo wakajana
luumuno ulumaninine akunununwa mukutuulwa
kwa-Mwami wesu mufutuli Jesu Kristo.

Twabotelwa mucintu cimbi pele muciingano ca-Jesu Kristo, mulinguwe inyika yoonse yakabambulwa. (Ba-Gal. 6:14). Ulizi kabotu kuti Jesu wakafwa aciingano kuti aswebo tukafwe kuzibi akuponena bululami. (1 Peter 2:24). Imu-Kristo uli bambwidwe kunyika. Tula laililwa kweenda mumuuya ukutali kuzyuzikizya kuyanda kwazisusi zyanyama. (Ba-Gal. 5:12-25). Alimwi twaambilwa kutobela busweyi oko nkwanga muntu takamuboni Leza kunze lyabo. (Ba-Heb. 12:14).

Mucikozyano camoyo eeci ulakonzya kubona ciinda oko nkobakaangilila Jesu ansimbi nobakamana kumusamununa zisani zyakwe. Alimwi ulakonzya kubona mitatula (milusu), azimboko nzobakamukwabbauzya caluciso akaambo kaku tundululwa kwakatibe kwesu kwakawida alinguwe. (Isaya 53: 11-12). Wakauminwa zibi zyesu. Imwami Heroda abantu bakwe bakamu sampaula mbube nobakamana kumukwabbaula, bakamusamika munjila uusalala pyu. Nobakamana kuluka musini wamaamvwa, bakuubika amutwe wakwe abusena bwamunsini wangolida. Bakabikka tete mujanza lyakwe lyalulyo abusena bwankoli yabwami. Bakafugama akumusabwida kuti: wabonwa o-Mooneki waba-

Juda. Bakamuswida mate akutola lubu akumuuma amutwe. Nobakamana · kumusabwida bakamutola kuyoobambulwa.. Kuli banji abaitwa kuti mba-Kristo abakomba muzikombelo, akulya mulalilo wa-Mwami, akwiimba nyimbo zya-Leza, pele milimo yabo mibi · ila uusisya akubambula Mufutuli wabo. Tabali boonse abo bakomba akuti: Mwami, Mvvami mbobayoonjila Booneki bwa-Leza, pele abo bacita luyando Iwawisyi wabo uuli · Kujulu. (Mat. 7:21-27). Alimwi ulakonzya kubona nkomo yamali iya-Jesu mucikozyano eeci. Judasi wakamwaaba Jesu amali ali makumi otatwe ansiliva, nkaambo kaluyando Iwamali Iwakamoofwaazya, akutola moyo wakwe mubi. Amalambe, ankeetani azimwi zyaka belesegwa abasilumamba, elyo nobaka waala cisolo akaambo kacibakicakwe, akuzuzikizya malembe ajwi iya-Leza. Bakaabilana zyakusama zyangu bakawaalila cibaki cangu cisolo. (Int, 22:18).

Isumo silumamba ndyakamuyasya mubbazu amoyo mbube kwakazwa bulowa amaanzi. (Johane 19:33-37). Petro wakamutama Jesu kumbele lyamusimbi katana akukokoleka muzingili, pele munsi waka-akuzumina amisozi. Sena ulamuzumina Jesu mujwi amuncito? Ndiza

ulayoowa akucita boobo? Jesu wakati: "oyo utikanditame kumbele lyabantu amebo ndiyoomutama kubusyu bwataata uuli kujulu." (Mat. 10:32-33). Jesu wakati alimwi, Kuti na muntu kayanda kunditobela, aliimye, abweze ciingano cakwe elyo andi tobele. (Mat. 16:24). Nkabela oyo utabwezi ciingano cakwe kuti anditobele teeleded kwangu (Mat. 10:38).

Mwaala wangu uuteeli, Ndiyube .kulinduwe,
Maanzi amalowa ayo, Akazwida kulinguwe,
Ngomusamu wangu, Usilika moyo.

5. ICIKOZYANO CASANU



5

Awa tutondezegwa buumi bwamuntu uwakasanzigwa akusalazigwa aluzyalo lwa-Leza lupati. Eno yaba ntempele ya-Leza yakaslrnpe,

abukale bwa-Leza Taata, amwana a-Muuya uu-Salala, mbubuli cikozzano ca-Jesu Kristo: naa muntu ulandiyanda, unoobamba ijwi lyangu, awalo Taata ulamuyanda, tulasika kulinguwe, tukale awalo. (John 14:23). Leza ulabalemeka, akubalongezya akubasumpula bantu muli-Jesu Kristo. (Luka 1 :52).

Eno moyo yaba ng'anda ya-Leza uupona. Icibi caka gwisigwa. Abusena bwabanyama baandeene, abalelwa a-Saatani wisi wakubeja, tubona Muuya u-Salala ulikkede mumoyo. Abusena bwancito zyanyama izisesemya, eno moyo waba mbuuli muunda ujisi micelo minji mibotu, musamu uzyala micelo, uuleta micelo ya-Muuya iili mbuli: luyando, lutangalo, luumuno, kulitesya, kubosya moyo, alubomba, bubotu, lusyomo, abutete moyo, aimwi imicelo iibotezya kuli-Leza akubantu. Eno waba mutabi loko uuyezya micelo mucisiko camusaansa u-Mwami wesu Jesu Kristo. Icicita kuti muntu ayezye micelo nkukala muli-Jesu Kristo awalo Kristo mulinguwe. (John 15:1-10). Akuyobola jwi lyakwe mumoyo wakwe. Abapatizingwa akuzuzigwa Muuya. uu-Salala, ulaba enguzu zyakuzunda nyama ezesusi zyayo, akubambula nyama akuyandisya kwayo. Kunguzu zya-Muuya


uu-Salala inga wakonzya akweendela mu-Muuya. Tacipo neni anzyabona, akumvwa na zyaamba bantu pele upona alusyomo; nkaambo alusyomo muli-Jesu Kristo nkokuzunda kuli munyika. Upona alulangilo akuyumizigwa akulangila kupiluka kwa-Mwami wesu Jesu Kristo uyoofwamba kusika. Ulapona muluyando Iwa-Leza uliwo lyoonse.

"Bali acoolwe abo basalala mumyoyo, nkaambo bazoobona Leza." (Mat. 5:8). Mwami Davida nokuba kuti wakali muvubi akuzunda kuli sinkondonyina waanze, nokuba kuti wakajaya makoto ndinga Goliati abamwi, wakajisi kubula kupati kumwi nkwaaklikumvwa mulinguwe mubuumi bwakwe nkwaakali kuzi kuti uyelede kukujana kuti na kayanda kubona Leza. Wakalila kuzwa kunsi amoyo wakwe akwaamba kuti: Lenga moyo usalala mulindime Leza, bukulusya muuya uululeme mukati kangu. (Int. 51:10). Kwiina uukonzya kusalazyia moyo wakwe mwini nokuba kulenga akusanzya moyo wakwe mulinguwe enguzu zyakwe mwini. Uyelede kuzya kuli Leza amoyo wakasimpe wakusanduka akuzumina akusiya zibi zyakwe mbuuli mbwakacita Mwami Davida, abwakacita mwanamutaka mbwaakasiya ngulube akupiluka

kuli wisi, ambwaakali kwaamba amuuya wakulyeetezya kuti: Taata ndabisizya julu ayebo. Leza walo ula yandisisya akugwasya mubisyi oonse uuboola kulinguwe amuuya wabwini wakusanduka, nkaambo ngu-Leza wakasyomezya Kuti: Ndiyookupa moyo mupya, ndiyookubikka ammuya mupya mulinduwe, ndiyoogwisya moyo tuyumu munyama yako, ndiyoobikka muuya wangu mulinduwe nkakucite kuti ukeende muzilaililo zyanqu, Eeci ncizuminano cipyia Leza ncaakacita akucisakila abulowa bwamwanawakwe Jesu Kristo.

Mucikozyano eeci tubona mungelo alimwi. Abangelo babelekela baabo bayookona buumi butagoli akuzinguluka baabo bayoowa Mwami. (Int. 34:7; 91: 11; Dan. 6:22; Mat. 2: 13, 13:39; 18: 1 O; Incito 5:19; 12:7-10). Saatani awalo ulalibonya uliimvwi kumbali amoyo, uyanda kujana ciindi cakuti anjile alimwi mubusena mbwaakali kukala. Nkaako, twaambilwa kulindila · akukomba nkaambo mubi, sinkondoma, uuli mbuli syumbwa uvulurna akweendeenda uyandaula baabo mbanga ulaluma. (1 Peter 5:8). "Amumukazye Saatani, uyoomucija." (Jacobe 4:7).

6. CIKOZYANO CAMUSANU MU-CIMWI



6

Eeci ncikozyano cuusya muntu wakapilukila muzibi. Limwi ilisyo lyatalika kusinka, eci oltondezya kuti watalika kuya butolwaala, aku

kacllwa mubuumi bwabuna-Kristo bwakwe. Limwe iliso lyatalika kucebauka ansoni ukusola kuliyanzanya anyika. Umumuni wali murnoyo watalika kuzlma, azitondezyo zyakali mumoyo wakwe izyakuti walo uyoopenga a-Kristo inga zyadyondyokela inga taciluzi nanooimvwi. Ulaakati kamasukusyo oko nkwanga uya buwida nkuko buce-buce abusena bwakukazya Saatani. Uswiilila mutepauzi abusena bwakuswiilila Leza. Nokuba kuti inga ucinjila mumbungano ya-Nsondo akusoleka kusisa nzila zyakwe zyaansi mumoyo wakwe, inga uya buzwa kuli Leza aluyando lwakwe lvva-lutaanzi kull-Leza inga lwasweeka. Inyenyezi iili mumoyo wakwe, amanjezeezya inga wasiya mbube iciingano mumoyo wakwe inga waba mukuli mulemu. Inga watalika kunzungaana mulusyomo lwakwe, tacaambauli a-Leza mukukomba. Inga tacilibambili aciimo camoyo wakwe akupa busena kumulengauzi uzunga mumbali amoyo wakwe.

Imuuya wakayuni akaya kategwa Pikoko inga watalika kuyanda kunjila. Inga watalika kuli yeeya, ambweni ulalisumpula kuti mu-Kristo, waluba kuti wakafutulwa aluzyalo buyo. Ubukolwi bwakonkomona amulyango buyandaula manjililo. Cimwi ciindi imukaintu ucitila mwaalumi

utukokotwalo kalikazizya kuti tanywi ujikila buyo mulurnaakwe abeenzinylna, pele ubinga bamwi mulinkuko alimwi uleenwa amuuya wabukowi. Bwaamu amamambi bulasika akusukusya muna-Kristo mulweendo loonse lwagehena. Cimwi iciindi ulatalika kuswiilila akukondwa kutwaambo twankwela, akutalika kuyabutanga zishabo akunjila mukkonsaati akuzyana.

Cimwi ciindi umwi ambweni wakamwaambila kuti kuzyana kwaci- Kristo kuli kabotu banoozyana baalumi abakaintu antoomwe, kwiinda kuzyana munzila yabu-Hedeni. Tayeeyi kuti oonse masenaakuzyanina ngamasena azyalilwa bwaamu akuti eeci ncobati nkuzyana kwaci-Kristo nceciinda kubija. Eezi nzyobati ninzila zyaci Kristo yakufweba sekeleti atombwe nimbi mbuli yaci-Hedeni nkaambo mbobailida kufweba balafweba masiku esikati. Jesu taakali kufweba boonse aba-Kristo bacilila Jesu tabafwebi.

Saatani umwaambila kuti, ikusobana ecibi tacili cibi. Ikubisya ciindi cornwe. na ikuhuula ciindi comwe ati tacijayi, obo mbwabaambila mutepauzi mane limwi sikazwa wabwaamu wajana manjililo mumoyo wakasambide akukkalila limwi mulinguwo.

Oyu muntu mucikozyano eeci uyasa moyo esumo uwamba basizibi abakazya buna-Kristo abacisa moyo atwaambo twabo tubi. Tayumi kumajwi akusampaula kapati kuti wazwa kubeeenzinyina. Amajwi aabo ayasa rnoyo wakwe akapati luyando Iwa-Leza mbolwatontola inga watalika kuyoowa bantu kwiinda Leza, akuyoowa mbobanga balaamba bantu ambobayeeya inga mbube waba muzike wamuntu akupiluka munsi alimwi muzibi.

Ibukali incisa moyo inga zyadunuka muziindi zyamapenzi akubula akusoleka kuti zyalo zyooneke mumoyo ukutukana aku syola inga zyaba nzezizwa mumulomo nguwenya oyo uwali kulumbaizya Leza akukomba Leza. Nokuba kuti kapulo nkaajana Saatani nkaniini buyo, pele inga kakwazamunwa amuuya wamunyono wanjila.

Ncitete kulekela luyando Iwamali kunjila mumoyo wamuntu, cita mane twaswiilila kucenjezegwa kwa-Mwami wesu Jesu wakaamba kuti: Amulangile akukornba, kuti mutanjili mukutepaulwa. (Mat. 26:41). Nkaambo kaako oyo uuyeeya kuti ndiimvwi kabotu acenjele kuti atawi. (1 Ba-Kor. 10:12). Tweelede kusama

zilwanyo zyoonse zya-Leza, ikuti tukakonzye
kwiima kuma manino a-
Diabulosi. (Ba-Efesu 6: 11-8).

Copyright ANGP

7. CIKOZYANO CASANU MUZIBILI



Eeci citondezya ciimo camoyo wamuntu uwakawa, akuti uwakali kusalalide akulabila

citafwi cakujuju akucitwa kuti akone Muuya Usalala mbube eno wakawa. Alimwi citondezya ciimo camuntu uutana buzuba wasanduka, nokuba kuti mulumbe wa-Mwami ulakambaukwa akumutondezya ciimo cakwe pele wakayumya moyo wakwe taleki kubisya.

Alakwe Jesu wakacilungulula icurno camuntu wakawa naakati: "Imuuya mubi wazwa mumuntu uleendeenda mumasena aatakwe maanzi, uya buyandaula cilyookezezyo, atacijana ulaamba kuti, Ndapiluka kung'anda yangu nkwendakazwa; Asika wiijana ilikukwidwe akubambwa kabotu. Ndilyonya ulainka kuyookeleta imwi imyuuya iili musanu mwiibili, iimwiinda kubija, yanjila ilakala mumo omo, eno milimo yakusyaalila ilabijisyia kwiinda yakusaanguna." (Luka 11 :24-26). "Kwababeda mbubonya mbokaamba kasimpi kenikeni kakuti; Mubwa wabweedela bulusl bwakwe mwini; awalo nkuleka uwakasambide wabweedela kwaalabana mubutimba." (2 Pet. 2:22).

Aya malembe alasalazyu ukupandulula ciimo camoyo wamuntu oyu. Icibi mulweendo lwaco loonse cakasika akukkalilila akooneka moyo yakwe. Abusyu bwakwe butondezya kuti uya

buloba. 1-Muuya uu-Salala .wazwa mumoyo nkaambo icibi a-Muuya uu-Salala tabakali antoomwe. Umumuni balisulene amudima. Mayo tuukonzyi kuba ng'anda ya-Leza abwina bwa-Saatani. Imungelo, ijwi lya-Leza, wazwa abuuusu, ucicebukide, uyeeya kuti antela inga alimwi muntu ulasanduka bwakacita mwanamutaka. Wakaciziba iciimo cakwe cabutaka abusweesi, wakasanduka akwaamba kuti: Ndandoobuka, ndiinke kulitaata, ndikamwaambile kuti, Taata, ndabisizya ijulu ayebo nsiceelede kuba mwanaako. Akaambo kakusanduka loko akuusila zibi zyakwe, wisi wakamujatila akumujaila moombe uneneyede akumutambula.

Pele kuliyooyu kwiina muuya wakuzutilina ukumugwasya kupiluka kuli-Leza, akuwa kumatende a-Jesu, akukumbila lujatilo akusalazigwa. Amanjezeezya akwe abaanga akasisilwa asumo lipya akufwidilila. Ulijisi matwi akumvwisy, pele tamvwi kukombelezya kwajwi lya-Leza. Ulijisi meso akubona, pele takonzya kukabona kalambwa katakwe tako kamugehena omo mwaandoowida. Tacijisi ansoni abuuusu bwakucita zibi antangalala. Saatani nguoneka mumoyo wakwe. Ambweni atala ucitondeezya

bubotu mbuli cuumbwe icilambidwe kutuba atala, pele mukati muzywide zifuwa zyabafu abubi boonse. (Mat. 23:37). Wisyi wakubeja wakatola busena bwamuuya wabwini. Coonse cibi cijisi sikazwa waco amuuya. mubi uwakugwasya kooneka moyo. Nobuka kuti walo inga uyanda kulyaangununa ikuzwa kuli basikunyonyoona babi, takonzyi nkaambo sunu wakaba muzike wabo. Wakabona akasimpe ka-Leza nkaakaambo mu-Apositolo Petro wakati; ino kuti abo basampaula Mulawo wa-Musa bafwa, nobaba abo abakalyatilila Mwana wa-Leza kunsi amatende abo, inga bayoasubulwa buti, ino ncitunduluzyo nzi ncobayooambilwa abakanyansya bulowa bwa-Mwana a-Leza akususya muuya wabanga. (Ba-Heb. 10:29-31; 2 Pet. 2:1-14).

Yebo musa obala waawa, kuti na eci nceciimo camoyo wako, lila kuli Leza amoyo wako woonse. Ulaanguzu alimwi ulayandisyा kukufutula, akukujatila akusalazye kuzwa kuzibi zyoonse kuti waza amuuya wakusanduka kasimpe. Ulakonzya kumwaanga Saatani ankamu yakwe yoonse akumugwisya mumoyo wako kuti koyanda kuti acite boobo. Koboola mbuuli uulya sicinsenda wakaza kuli Jesu akulila kati: Kuti koyanda, ulakonzya kundisalazy. Jesu wakati.

Ndazumina, kukusalazywa. (Mark 1 :40-43). Pele
kuti kozumenene akuyumya moyo wako
akuyandisya mudima kwiinda mumuni, kwiina
lulangilo nokuba kugwasigwa kulinduwe, nkaambo
wasala lufu abusena bwabuumi; amudima
abusena bwamumuni.

Copyright ANGP




Awa tujana muhedeni muyumu uwakawa kayeeya kufwa, amubili wakwe ulacisa, awalo muuya wakwe uzwide kuyoowa lufu. Lufu (Nzeezyo

zifuwa zitakwe nyama) lulasika iciindi ncatalibambilide alimwi ncatayandi mpoona uli syulungene, akuyoowa kubusu bwakwe nalulanga lufu. Ububotu bwazibi bwamana, mbube wayoosya kwazibi kuya ndoosika. Imisika ya-gehena yatalika kuyoosya muuya abuumi bwakwe. Nokuba kuti ulayanda kukomba, ujana kuti tokonzyi kumvwana akuswaangana a-Leza. Oonse majwi akumulumbaizya amunyika ayo alikwaamba beenzinyina taakonzya kumugwasya, abuvubi bwakwe mbwaakajana muluyando lwamali tabukonzyi kufutula buumi bwakwe nokuba kukatalusya muuya wakwe. Nokuba kuti ulasoleka kuyeeya Leza, pele Saatani tamupi ciindi. Zyonse nzyaakali kuyanda muno munyika zyabaanga zyatalika kumu sampula, ambaali kusyoma munyika boonse balangika 'aanqa tabacikonzya kugwasya. Inga watalika kucibona kuti ncintu ciyoosya ukuwida mumaanza a-Leza muumi. Wakalulangila kuyoolilulamika a-Leza iciindi kali abulo bwamfwida, eno wajana wakamuka. Izyuulu zyabantu zinji bafwa buyo kabatakwe aciindi icakuti inga balayandaula Leza kabali abulo bwafwido lyabo. Nkaako, twaambilwa kuti atumu yandaule Leza nacijanwa. Abusena bwakuti oyu muntu amvwe ijwi lya-Leza lilakala

wu-moyo, pele walo mbwaakakaka luzyalo a luyando Iwao Leza naakacili kupona, eno wamvwa ijwi lyamubetesи wakwe kaliti Zwa kulindime yebo nowaka tukanwa, unjile mumulilo uutamani ngwaakabambilwa Diabulosi abaangelo bakwe. (Mat. 25:41). Lino mbuli mbokubede kuti kabanga kabafwa lomwe, elyo babetekwe. (Ba-Heb. 9:27).

Copyright ANGP

9. CIKOZVANO CAFUKA



9
Awa tubona cikozyano cam una-Kristo
wakasimpe wakazunda akukolela musukusyo aali
mbuli nsasi zyamulilo, akusolekwa kwanyama a-

Diabulosi. Ulasolekwa mumabazu oonse pele wazwidilila mane kumamanino. Muzundi rnupatl muli-Jesu Kristo, tatalikide buyo mulusiyano Iwabuna-Kristo, pele walumanizya buya lusiyano, ukoteme kuli-Jesu musolozi uulomya lusyomo Iwesu. (Ba-Heb. 12: 1 ,2).

Saatani . ankamu yakwe yoonse bazingulukide moyo uusyoma akusoleka kujana manjililo, pele tabaajani. Ukuli sumpula, akuyandisya mali, amuuya wabwaamu ·zilakonkomona. Abusena bwamubwa asiluwe eno twabona "Sijembwe wampongo ambongolo" nkaambo kanjikanji icibi cilali kakatizya muziimo zyaandene amazina. Nokuba booboo aba-Kristo balangisya ba lacisalaula, icibi muziimo zyoonse nacizada muzina lyakukomba, naba mbuli muangelo wamumuni, nkaambo ijwi lya-Leza amuuya wabwini uuli mumoyo wakwe uumusolwedela mukasimpe koonse, ulamugwasya kwaandaanya cibi kuzwa kucibotu. Kunze lyabanyama bandeene abasikazwa mbobeenda abo ulakonzya kubona muntu kazyana kumbele lyamoyo wamuntu oyu ulijisi akafulu kawaini nobuba bukoko ukusukusya mu-Kristo abubotu kwaansi azinywigwa izikola akuzyana, pele tacigwasyi kullyooyu musyomi uwakasalazigwa, uwakafwa

kucibi akunyika. Eeci cimutonkela buyo kufwaafi a-Leza. Umwi muntu ngooyu ulamuyasa asumo. Ukwaamba zibi, akuvwiya, aku sampula akukonga kuli bata syomi iziindi zinji kulibaabo abayeyegwa kuti mbana-Kristo nzeziyasa myoyo yabo. Pele ulalyuumbulizya mwini ajwi lya-Jesu, oyo wakati: Inywe muli acoolwe nibazoomutukila akumupenzya akumutamikizya zintu zibi zyoonse zyakubela nkaambo kangu. Amukondwe akusekelela, nkaambo bulumbu bwanu mbupatt kujulu. (Mat. 5:11-12).

Icibi, cili njenyama, cilasolekesya ukwandaanya muna-Kristo aluyando Iwa-Leza. Pele ulakonzya kwaamba kuti amoyo ukalikide: "Ng uni uukonzya kutwaandaanya kuluyando Iwa-Kristo? Sa mapenzi naaba mapakasyo naaba mafwabi niiba inzala niciba cintanda nibuba bulozi niliba sumo?" "Pele mumakani aya oonse tulazunda cakwiinda nkaambo kayooyo uutuyanda." (Ba-Roma

8:35-39). Amana kusama zilwanyo zyoonse zya-Leza elyo inga ulakonzya kuzunda mapenzl oonse aasika mubuzuba bubi anguzu zya-Muuya · uu-Salala, ulazunda inyama amasukusyo aamwi oonse. Ulacibona kuti Kristo kali mumoyo wakwe inga uleenguzu ukwiinda Dabulosi ankamu yakwe

poonse, nkaambo oyo uuli mukati kesu muyumu ukwiinda oyo uuli munyika, oyo nguDiabulosi. Jesu Kristo wakamuzunda Diabulosi, icibi, alufu mbube mulinguwe twakacitwa kuti tukazunde kwiinda, alimwi tukakonzye kukona musini wabulemu.

Inyenyezi yamanjezeezya aakwe ilasalala akumwekesya. Imoyo wakwe uzwide lusyomo a-Muuya uu-Salala. Angelo wa-Leza uulaatala lyakwe urnuyeezya ziyomezyo eezyo zyakasyomezegwa baabo bazunda akukakatila ukusikila kumamanino. (Ciyubunuzyo 2:7,11,17,26; 3:5,13,21).

Inkomo yamali iwaseme iwamba tuuli buyo moyo wakwe uwakasalazigwa akupegwa kuli-Leza pele nkokuti mali aakwe oonse alubono Iwakwe loonse nzyakubelekela Leza. Abusena bwakusowaila lubono Iwakwe mukulibotezya kwazibi, ugamine kuyowwa bafubafuba, akupa kwakumi kuli zyoonse nzyajana kuli- Leza kunze akugwasya kulumbula mbuli kuyanda kwakwe akonzya. Munzila zyoonse mali aakwe uwabelesya mukulemeka Leza, mbuli mbelele zipa boy a bwazyo aluyandokuli simalelaazyo. Icinkwa answi mucikozyano zitondezya kuti upona abuumi

busalala bwakulijata. Taciti bukoko awai, ni kuti cibe ncecilyo cakwe, talibisyi akulya noziba zi.lifwida, tafwebi nokuba pangila tombwe nkaambo ulayeeya kuti mubili wakwe tuuyelede kusofwaala, nkaambo ninganda ya-Leza. Imoyo wakwe yaba ng'anda yakukombela, pele lyoonse ulanjila mucikombelo icamalema nokubija nokubota. Ulayanda kukomba nomuba mucikombelo nomuba mukaanda kakwe mwini. Mbobucedu ulababungika bamukwasyi wakwe kuti bakombe, nkaambo ulizi kuti kunze lyakukomba, taakwe m una-Kristo unga ulapona, mbubonya Inswi mbwiitakonzyi kupona kakutakwe · maanzi. Ibbuku livunwidwe litondezya kuti i-Baibele, ndijiwi lya-Leza, ndibbuku likwazeme kulinguwe ndyabala akuliiya camoyo ornwe, Ndilambe kumatende aakwe, ndiceba lyakuzunda Diabulosi, njensima yakwe yakumuuya iimupa buumi mwaac ngamaanzi amunyotosya. Ijwi lya-Leza nee cimbonimboni camoyo wakwe mwalilanga.

Ulayandisya ukutola ciingano, icimuyeezya kuti walo wakabambulwa a-Kristo alimwi wakabuka kubuumi bupya, aboobo uyandaula zintu izili kujulu ezyo zitamani, Izitabonwa. Ulilibambide ukuyooswaana a-Leza, uli mbuli samu

lyakasimpwa kumbalaamaanzi ilyeezya micelo yalyo iciindi ceelede, mbuli mutabiwamusansa uuzyalisya. Uluyando Iwa-Leza luli londokede Iwazuzya moyo wakwe aboobo tayoowi lufu. (Int. 1:1-3; Johane 15:1-14; 1 Johane 4:18-21).

Copyright ANGP

10. CIKOZYANO CAKKUMI



10

Jesu wakati: Ndime kubuka abuumi. Oyo uusyoma ndime, naanooli wakfwa, unooli muumi, naba uli buti muumi uusyoma ndime,

takooyoofwa pe. (Johane 11 :25,26). Oyo uumvwa ijwi lyangu, akumusyoma uwakandituma, uli abuumi ubutamani, alimwi takooyoosika kulubeteko, pele wakazwa kukufwa, waya kubuumi. (Johane 5:24). Ulufu taluciyooysi nokuba kucisa kumuna-Kristo, nkaambo Lufu lwamenenenwa kuluzundo. We, luful! luli kuli luzundo lwako? We, cuumbwe! luli kuli lumoola lwako? Akulumbwe Leza wakatupa luzundo muli-Jesu Kristo mufutuli wesu. (1 Ba-Kor. 15:54-57).

Muntu uuponena Leza tayoowi kufwa. Casika ciindi cakwe cakuzwa munyika ino, inga wainka kabotelwa kumunzi wakwe uulondokede oyo uutamani. Apostolo Paulo wakati: Njandisya kwiinka kuyookala nkabede Kristo, ikuti nceceboto loko cakwiinda, (Ba-Fil. 1 :23). Imu-Kristo uyandisya kubona busyu bwa-Jesu, oyo wakazoomufwida aciingano akumunununa abulowa bwakwe Mwini. 1-Muuya uu-Salala umuyeezya majwi a Jesu ngaakati: Myoyo yanu itapengi, karnusyoma Leza, kamundisyoma amebo. Munganda ya-Taata mwaali makalilo manji. Ndiyooboola alimwi, nzoomutole, kuti oko nkewembede anywebo mukabe nkuko. (Johane 14:1-4). Ayo .ngaatabwene meso, ayaayo

ngaatamvwide amatwi, ayaayo aatana kunjila mumoyo wamuntu, Ngaonya Leza ngabambilide aabo bamuyanda. (1 Ba-Kor. 2:9). Kwiina mulaka munyika muno uunga ulakonzya kupandulula nokuba kulungulula bulemu bwamasena aali kujulu akabambilwa baabo bakazunda ano aansi akusyoma muli-Jesu Kristo.

Mucikozyano cakumi tuyeezegwa kwiinka kwamuntu usyoma kasimpe muli-Kristo. Abusena bwamafuwa alya ayoosya amuntu atakwe nyama alukanda, kulibonya mungelo wa-Leza. Ulindila kutola muuya utakwe cibi kuli Leza nkowakazwa. Ibuuml a-Muuya zyanununwa ikuzwa mumubili uufwa zyafulukila kucamba cayoooyo uuyandwa abuumi bwakwe, oyo ngwaakaponena akufwida mulinguwe ano aansi. Kuli kutambulwa kubotu ukumulindilide kubusu bwa-Leza mbube i-Mwami wakwe · uyooti kulinguwe: Wabotya, omuzike mubotu musyomesyi. (Mat. 25:21). Saatani tacijisi nguzu kulinguwe, nkaambo nkubotu kubusu bwa-Mwami alufu lwabasale bakwe. (Int. 116:15). Mpoonya awo ndakaswiilila ijwi lizwa kujulu, lyakati, kuzwida sunu, Ee, mbowaamba Muuya, kuti

bakalyookezye kumapakasyo aabo, alimwi milimo yabo ilabatobela. (Ciyubunuzyo 14:13).

Musa yebo oobala kabbuku aaka, Leza akugwasye ikuti uupe moyo wako kuli-Jesu nkaambo walo uwaamba kuti: Mwanaangu, ndipa moyo wako. Uyookupa moyo uutuba akubika muuya uuluzi mulinduwe. Utazumizyi kuti moyo wako walucengo ukusowe akuyabu tobela nzuuyanda zibi, nkaambo oyo uusyoma moyo wakwe mwini mufubafuba. Zisiye zibi zyako ukakatile kubululami, nkaambo ubulumbu bwacibi ndufu, pele icipego ca-Leza mbuumi butamani rriuli-Jesu Kristo.

Ayebo okabikka buumi bwako kuli-Leza jatisya iciimo cama1w1 menimeni, mulusyomo amuluyando ululi muli-Jesu Kristo, nkaambo alimwi oyo ngookasyoma mbube ula sungilizya kuti walo ulakonzya ukucibamba eco ncookabika kulinguwe akuyoocisisya koko. Liyake mulusyomo lusweya, komba mu-Muuya uu-Salala, liyobele muluyando Iwa-Leza kolanga kuli-Jesu Musolozi Uulomya lusyomo Iwesu, oyo Mwami wa-Baml uyandoosika. Eno kuliyooyo uukonzya kumukwabilila kukulebwa, akumusitikizya cakukondwa kubusu bwabulemu bwakwe,

kamutakwe akampenda, 'kuli-Leza uuli alike,
Mufutuli wesu, akube bulemu ubupati anguzu
abwami, asunu mane kukabe kutamani. Amen.
(Juda 24,25).

Kuli indi imbotu iyinda, Alusyomo twaluboma
kale, Oko Taata ulatulindila, Akatubambile
masena.

Tuzoonjila twaimba nyimbo, Inyimbo
zyakukondwa loko Myuuya yesu ilabotelwa
Kwiina mapenzi akulila.

ChIndu:

Kulalweela, eneeno, · tuyoooswaanana okuuya
kujulu.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.anjp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.anjp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.anjp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangélique. Votre aide sera beaucoup apprécier.

Si vous avez trouvé le salut en Christ ou si vous avez été bénis par notre littérature, nous vous prions de nous le faire savoir. Nous aimeraisons remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas oracoes.

**For free Gospel literature, books and tracts in over 538 languages,
write to:**

**Pour obtenir gratuitement de la litterature evangelique, des livres et
des traites en plus de 538 langues, ecrivez a:**

**Para obter gratuitamente a literatura evangelica, livros e folhetos em
mais de 538 linguas diferentes escreva para:**

www.anqp-hb.co.za

info@anqp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations

**Une Mission de litterature evangelique financee de
dons**

**Missao de literatura Evanqelica financiada por
donativos**

(Reg. No. 1961/001798/08)

**The “HEART OF MAN” books can be viewed and downloaded
using the following link:**

www.anqp-hb.co.za